

Pratiksha Mere Shyam Ki | By Ashu Verma

Shyam Dhani Aa Jana, Morchadi Lehrana
Bhakton Pe Ye Kaisi Vipda Aan Padi
Hum Sabka Kaal Bani, Sankat Ki Ghadi
Jab Koi Apno Ki Arthi Uthata Hai
Dil Pe Patthar Rakh Ke Beeti Sunata Hai
Shyam Dhani Aa Jana.....

Ye Kaise Durdin Hain Aaye, Mandir Sab Veeran Pade
Sooni Galiyan Aur Chaubaare, Sirf Yahan Shamshaan Bhare
Hum Sabpe Sankat Ke Badal Hain Chhaye
Ab Kisi Suhagan Ki Maang Na Ujde
Ab Kisi Behna Se Koi Bhai Na Bichhde
Shyam Dhani Aa Jana.....

Chhote Chhote Bachche Bhi Shaamil Hian Gam Ke Maaro Mein
Bachpan Jaise Qaid Ho Gaya Ho Ghar Ki Deewano Mein
Na Jaane Kitno Ka Ghar Hi Ujaad Gaya
Hum Sabke Jeevan Ka Pahiya Thahter Gaya
Nirdhano Ka Aakar Koi Haal To Puche
Sirf Aansu Pee Kar So Jate Hain Bhookhe
Shyam Dhani Aa Jana.....

Shyam Bihari Lakhdari Aakar Ke Dukh Door Karo
Pralaykaari Is Mahamaari Ka Ghamand Ab Choor Karo
Ye Kaisa Manzar Hai Dekh Ke Dil Roye
Chintaaye Ghare Khadi Kaise Koi Soye
Aaj Shyam Nishchhal Ki Laaj Rakh Lena
Galtiyan Hamari Sab Maaf Kar Dena
Shyam Dhani Aa Jana.....

<https://bhaktivandana.com/lyrics/%e0%a4%aa%e0%a5%8d%e0%a4%b0%e0%a4%a4%e0%a5%80%e0%a4%95%e0%a5%8d%e0%a4%b7%e0%a4%be-%e0%a4%ae%e0%a5%87%e0%a4%b0%e0%a5%87-%e0%a4%b6%e0%a5%8d%e0%a4%af%e0%a4%be%e0%a4%ae-%e0%a4%95%e0%a5%80-by-ashu-verma/>